

寧武府志卷之十

事考

魏成王時樓煩入朝與成周之會

漢國趙肅侯築長城盡趙北界

趙武靈王出代西遇樓煩王而致其兵

趙武靈王十六年破樓煩林胡取其地置儋林郡

漢高祖五年韓王信叛降匈奴與寇漢邊至太原七

年絳侯周勃擊韓王信於硤石破之追北八十里

還攻樓煩三城十年秋九月信與陳豨合兵寇代

雁門勃復敗之於樓煩定雁門十七縣

漢武帝元光五年正月發卒萬人治雁門險阻以止
匈奴之驅

漢景帝中六年夏六月匈奴入雁門至武泉吏卒戰
死者二千八後二年三月匈奴入雁門太守馮敬
死之

世祖建武九年驃騎將軍杜茂與雁門太守郭涼擊
盧芳將於繁峙芳將賈賢率胡騎萬餘救之茂等
戰不利引兵入樓煩城

安帝延光元年十月鮮卑寇雁門

後漢自順桓靈獻之世邊郡爲鮮卑所鈔無有寧歲
順帝永和五年已徙西河治離石上郡治夏陽朔
方治五原至獻帝建安二十年春乃省雲中定襄
五原朔方四郡郡唯置一縣領其民以爲新興郡
考新興郡在今忻代二州間蓋遷四郡之民入
居於此而各卽其郡爲縣以領之此州郡僑置
之最始者至曹丕時則又并雁門代郡之民亦
徙之於內以避鮮卑

魏明帝青龍元年鮮卑軻比能誘保塞大人步度根使叛并州自將萬騎迎之於陜北遣其子率兵與并州刺史畢軌將蘇尚董弼會戰樓煩尚等敗死晉懷帝永嘉六年代拓跋猗盧取陜北地初并州刺史劉琨與猗盧相結托爲外援表爲代公猗盧乃從琨求勾注陜北之地琨不能制乃徙馬邑陰館樓煩繁峙崞五縣之民於陜南更立城邑以其地予之

北魏高宗和平六年春二月行幸樓煩宮

顯祖皇興元年八月幸武州山

高祖延興元年五月幸武州山

太和元年四月幸崞山乙酉車駕祈雨於武州山澍
雨大澗四年五月幸火山六年三月幸武州山賜
貧老者衣服七年四月幸崞山賜鰥寡粟帛八年
幸旋鴻池遂幸崞山六月武州水壞民廬舍

魏志疑武州山卽蘆芽山而所稱幸彌澤者疑
卽彌蓮池恐未然

東魏天平二年以蘭陵公主許蠕蠕阿那瓌三年四

月阿那瓌遣使迎公主於新城之南六月齊神武親送公主於樓煩之北厚接其使阿那瓌大喜自此東魏邊境無事神武至天池獲瑞石隱起成文曰六王三川

北齊文宣帝五年九月如晉陽十二月北巡至遼連嶺親覽山川險要將起長城

六年夏六月文宣親討蠕蠕甲戌諸軍大會于祁連池乙亥出塞九年六月自晉陽北巡己巳至祁連

池

北齊廢主緯七年十月大狩於祁連池

隋煬帝大業三年四月北巡過雁門幸啓民可汗帳
八月癸巳入樓煩關十一年五月幸太原避暑汾
陽宮八月巡北塞突厥以十萬騎來襲帝馳幸雁
門突厥攻雁門急帝求救義成公主乃解去

恭帝義寧元年馬邑校尉劉武周殺太守王仁恭襲
破樓煩進據汾陽宮取宮人以賂突厥僭號天興
唐高祖武德四年突厥與苑君璋合兵寇雁門七
年詔并州總管劉世讓屯兵雁門以禦突厥世讓

馳赴之突厥大至世讓乃保代州突厥與高道開
等合攻之城樓壞輒立柵完據久之乃引去

高宗永淳元年突厥骨咄祿反攻并州嵐州刺史王
德茂死之

儀鳳中置監牧使於嵐州統樓煩天池元池之監以
蕃馬牧百官志有樓煩天馬監

明皇天寶十三載安祿山以內外閑廐都使兼領樓
煩監牧時祿山將反乃陰取勝甲善馬盡歸於范

僖宗乾符五年沙陀李國昌與其子克用叛攻破蔚嵐軍後爲唐所敗國昌父子奔鞏鞏克用以鞏鞏萬人僂至太原襲蔚州去屯雁門擾樓煩并汾間城門晝閉不釋鎧甲

魏志載沙陀寇雲朔二州全錄史文不勝煩贅又元和乃憲宗年號武宗紀元則會昌耳亦未考也

五代北漢劉鈞元年城偏頭砦

北漢劉鈞十一年肥遺見於唐故天池縣地

周世宗顯德元年取北漢嵐憲二州

宋太宗太平興國四年二月保安軍使尹憲與折御卿合攻北漢嵐州克之殺其憲州刺史霍瓘擒北漢將馬延忠等七人拔沿河諸砦入朔州界破契丹寧武軍

五年置寧化軍寧化縣七年置火山軍號曰壯城鎮偏頭雄勇董家橫谷楛棹護水六砦

雍熙三年十二月知代州張齊賢大敗契丹於土墜

真宗景德元年九月契丹圍岢嵐軍高繼祖擊敗之
仁宗嘉祐六年廢偏頭砦

慶 七年契丹冒占天池廟地知并州韓琦召其酋
示以舊修廟檄証爲宋地酋無以對乃以斥地歸
我又侵耕陽武砦琦立石限之初潘美鎮河東徙
塞下之民於內而空其地不遺隋代寧化火山之
北多廢壤琦請距北界十里爲禁地其南則募弓
箭手居之墾田至九千六百頃

神宗熙寧七年火山軍禾間五壟同額

是年契丹使蕭禧來議黃嵬山疆地帝使沈括報之
括至契丹與其相楊益戒議凡六會契丹不能奪
乃捨黃嵬而以天池請十年丁巳王安石當國勅
帝許之乃遣韓縝如河東割地以界契丹以分水
嶺爲界東西失地七百里

魏志以今郡西四十里之分水嶺爲宋遼所界
者然觀宋史初遣劉忱往至境與遼使蕭禧會
於大黃平議數日不決契丹本指應蔚朔三州
之分水嶺土隴爲界及行視無土隴禧曰但以

分水嶺爲界則凡山皆有分水無可指據是遼
宋所劃者未必果此分水嶺也不然史安得云
東西失地七百里哉但遼旣以天池請則今寧
化之北亦在其中矣黃嵬在崞南七十里近寧
化界

建中靖國元年寧化軍地震彌旬晝夜不止壞城舍
人畜多死

徽宗宣和五年夏與金代遼金以武蔚與三州歸宋
欽宗靖康元年三月夏人襲取武州後金復取之

靖康二年金人取火山軍

遼乾亨元年十月太保矧思與宋兵戰於火山敗之
遼統和九年八月大獵於盤道嶺

開泰九年大獵於陁山

皇熙九年置武州

金天會五年五月取宋岢嵐寧化諸軍

大定二十二年升寧化軍爲寧化州

興定三年十月詔河東忻代寧化諸州並受岢嵐節

府節制

三年元兵克武州軍事判官郭秀死之

貞祐三年二月改寧邊州隸嵐州十二月徙武州於分屯嵐石等州時武州殘毀刺史揚沃入州市二月元兵來攻二十七日夜不能拔乃退旣而金人知武州不可守乃令沃遷其軍民於岢嵐

元太祖十二年蕭特末兒等攻降金岢嵐火山軍才六年以寧化樓煩併入管州

至元二年於武州置司侯司

世祖中統四年四月十七日武州隕霜殺稼

成宗大德五年二月興屯田於寧武與山陰雁門馬
邑等凡七屯

英宗至治元年武州雨雹害稼四年武州雹害稼
文宗天歷元年治險阻自雁門崞及嵐武大澗諸處
皆穿塹壘石以爲阨塞調丁壯守之

順帝至正三年罷寧化州改爲寧化巡檢司

二十年孛羅帖木兒察罕帖木兒爭冀寧相攻不已
明年正月諭罷兵孛羅跋扈不從且多據州縣二
十四年七月右丞魏賽因不花討孛羅五月克武

州七月魏寶固不北移鎮偏頭關一方安堵

明太祖洪武二年都叔注興祖等取武朔二州禽元知院馬廣等六百一二十四人

三年五月元宗室四大王結砦崑崙山中來寇武州太原指揮程貴等取之追至龍尾灣四大王遁禽其三大王獻京師

五年增築寧化城延安侯唐宗勝帥千戶唐成等勦四大王餘部平之

六年元故將以兵犯武州朔州大將軍徐達使郭子

興等禦却之

七年設鎮西衛於岢嵐屬山西都司置五寨堡省武州併入之以爲鎮西五所屯牧之地

十一年正月立寧化所守禦千戶都指揮常守道來屯寧化

二十三年改築偏頭關置守備專勅守關

宣德四年都督李謙來屯置偏頭關總兵官

魏志云成祖永樂二年都督杜忠來屯考忠於正統丁卯始以後軍都督守偏關而忠之前則

唯李謙在宣德中其守偏關有招城建堡之功
若永樂不時絕無見於他書者此通志之失而魏
乃仍之魏志又云宣德四年置鎮守總兵官於
偏關提督雁門寧武三關軍務是時寧武尚未
設關何有三關之名其所記亦誤

七年兀良哈由段家村入犯偏頭總兵李謙設伏黃
草梁禽其酋長

十年兀良哈寇偏關指揮江海千戶包讓等戰死
正統元年北虜復入寇偏關指揮馬貴等敗其前鋒

將軍陳懋又大敗之追至蘇武山而還

四年偏關大饑詔墾塞下荒田以實軍儲

十四年也先寇偏關其別部由陽方口入寇南掠忻

州諸處

景泰元年七月也先犯偏頭至五寨堡

天順元年崞縣大饑

成化元年初置兵出塞道以葉盛爲兵備副使駐鴈門

偏關

勅諭山西整頓雁門等關兵備副使代州偏頭

雁門寧武等處界乎大同延綏兩州與豐州東勝等處接壤北賊夏秋以爲巢穴牧住冬春於此過河入套實爲賊衆經行緊要之地今特命爾常川往來前項地方整飭兵備操練軍馬修理城池墩臺隘口監督糧草兼理軍民詞訟禁革姦弊凡事須與各該鎮守巡撫分守守備等官公同計議從長處置毋得偏私執拗致誤事機所屬地方官員敢有違誤不法等項輕則量情懲治重則應拏問者據實奏聞爾爲憲臣尤

須持廉秉公正已率下務使兵威振舉地方有
賴庶副委任如違責有所歸爾其慎之慎之故
論

明初設雁門道寧武偏關實所兼統後二道分
置此爲之權輿故不以入職官而事考特載之

二年初設寧武關築偏頭長城起老營丫角墩至老
牛灣二百四十里號爲二邊總兵王璽經紀之

十五年火節部由紅門口入寇小王子大掠偏關

十八年罷偏關總兵置分守叅將是年小王子寇偏

頭守備錢能禦之六利

十九年小王子寇偏關破楊勉堡

治元年火篩部入楊勉堡

十一年都御史侯恂請置寧武守禦千戶所掌印巡捕理刑城操等各一員隸山西都司

三關志云寧武初設關則但置所未與偏頭同十四年小王子寇偏頭關十五年復入是年罷叅將置協守偏關副總兵行事視鎮守總兵官

正德七年小王子入犯破黃龍堡寇偏頭總兵神周

戰敗於柞子塢守備周鏞及指揮千百戶官戰沒者數人

八年築長城東起渾源州西至寧武因山爲險凡四百餘里明年復築長城起老營之石廟至石梯墩七十里號爲三邊布政陸奎兵備張鳳和等主之凡三關增堡十八增墩三十有二增料甲士民共至二萬人是年八月小王子由陽方口入寧武關守備陳經力戰死之遂掠忻州定襄寧化

八年六月備頭寧武八角雨魚大者至三尺許

至河曲縣

十年築偏關四墻於城北二里起鷹窩山至教場三百二十里兵備張狁主之

十一年小王子由紅門口入寇偏頭總兵郭瑾敗之
山莊坪斬三百級

十三年九月帝西幸由大同歷老營堡至偏頭關駐蹕鎮守太監宅凡十一日渡幸榆林

十六年副總兵紀世楹逐套部之入犯利民堡者戰

於塞外大勝而返

嘉靖元年偏關大旱八月不雨地乾丈餘五穀不能種餓死盈野

嘉靖七年七月北敵大舉由乾溝等口分道入寇至馬站堡老營游擊邵定往禦之於草梁山被困四日水絕食盡定一軍盡歿

八年十月俺答入寇至土棚堡副總兵李瑾與戰於劉海庄不利乃與游兵合營而進俺答遁走

九年正月俺答由衝川入寇老營相揚八柳二堡總

兵李瑾先設伏兵龍溝縱擊大破之斬數千級獲
良馬百餘自是俺答畏瑾終其任不敢犯

魏志九年正月寇老營乃於其前又云九年正
月由陽方口入寇寧武同一事而所入之路與
所寇之地互異何哉考之寇老營者實而足信
云入陽方口者殆虛語耳蓋失在凡事必欲分
列四縣而各記於其下至不可相通者亦必附
焉故往往多複雜矣

十一年三關大饑死者相枕十月賑之

十二年都御史任洛請自鵬窩梁王達達墩築邊八里二百二十步砌以石

十四年俺答犯寧武南掠寧化三馬營十月復入三馬三馬兩營寧化堡再被掠

十五年八月俺答分道自馬頭山紅門二口入合兵南掠寧武及寺馬馬站請堡十月復自岩頭溝丫角山入鎮西寧化之間民被其害時李瑾已死副總兵傅鐸率守備楊璫等力戰乃退

十六年北部分道由滑石澗草架山毀牆入又由李

鹵衛西至老營被虜蒙馬站韓坪樓溝諸堡南掠
至三岔五寨鎮西衛城門盡閉村落幾空

十七年由衝川口入犯八柳樹明年復犯八柳樹

十八年巡撫陳講築長城起陽方口至八角堡斬崖
爲墻凡一百八十里復築神池利民二城是年套
部入五寨駐兵肆掠明年入寇仍駐其地

十九年八月俺答與諸部入大同塞大同鎮卒陰與
約毋掠我人畜我不聞汝諸部喜乃越大同由井
坪朔州南抵雁門西至寧武燒盤道梁南下入岢

嵐鎮西掠興嵐交城文水清源諸縣是月其別部
犯黃龍池千戶雷應節死之

二十年俺答由王野梁入掠鵬窩梁時副總兵丁璋
已有疾乘輿督戰與游擊周宇皆死焉俺答遂南
掠逼太原先是秋八月吉囊由紅門入偏頭掠永
興韓坪馬站樓溝攻三岔南下至石州岢嵐歸未
出塞而俺答復入則九月事也

是年改偏關副總兵爲總兵官移駐寧武以控要害
二十一年設岢嵐兵備道防秋駐偏頭關總督余子

俊築長城起大同中路至偏頭關界凡六百里是
年六月俺答入大同經朔代雁門越盤道梁南掠
太原七月還至塞掠黃龍池寇偏關叅將張守忠
力戰死之百戶張臣張宣亦死詔贈守忠右都督
立廟以祀

二十三年都御史曾銑增築邊牆北自利民南至王
野梁一百八十里

二十七年俺答寇偏關明年由朔州入至王野梁遂
南下深入

三十年套部由紅門入掠寺塢永興三岔諸堡至石州

三十一年岢嵐神池地震俺答犯三關縱掠至八角堡巡撫趙時春禦之戰於大山嶺總兵李涑死焉明年入犯得勝堡至神池

三十三年九月套部入掠五寨攻毀后子窰東西二寨大小燕家庄韓林庄輻車梁諸村落皆被焚掠安堂堡生員馬仲甫家被害一門無遺明年由菽麥川入掠利民南至興嵐

三十八年小王子等由紅門入掠韓坪馬站寺塢三岔五寨攻大辛庄左所雙碾兒寺兒塢羊房紫雲等村堡破之

三十九年偏關大饑市無米穀木皮皆盡俺答寇大同遂至寧武火燒盤道梁由羊川坡踰夾柳樹狗兒澗長驅圍寧武關總兵王懷邦不敢戰棄馬千匹以啖寇而急趨太原聲音繞其前實避之也俺答遂掠攻神池十月犯偏頭把總張士英力戰而死

是年設兵備道於鎮城及中路管糧通判本道中軍管糧同知萬億倉大使副使各一是爲寧武道

四十一年正月寇山水泉口入掠諸堡攻三岔五寨毀賀智杏林小河頭後會諸村生員李孔煌一門四十五人皆被殺唯孔煌在城得免

四十三年山水泉口犯偏關大掠八角神池五寨至岢嵐明年秋俺答由了角山至老營別部由紅門入殺掠甚衆及於保德

隆慶元年俺答數萬衆分三道入東道入井坪朔州

破陽方口抵寧武關中道由老營入西道由紅門
驢皮等口入長驅掠五寨攻岢嵐屠石州時虜入
塞已二十餘日大雨連旬虜馬多死皆走歸棄剽
獲於道官軍無一邀擊者寧武總兵申維岳大同
總兵孫吳等覘俺答旣去始約進兵然維岳終不
敢戰事聞維岳論死

三年八月俺答入寇時中國叛人趙全爲虜鄉導引
之自好漢山入栢楊嶺以攻老營總兵郭琥偵知
之自寧武一晝夜馳二百里先至設伏以待於是

俺答敗歸十二月復由東長嘴乘冰過河犯偏頭
把總張尚古紀大倉等死之明年十月由牙窩嘴
乘冰過渡河掠偏頭及樓子河曲諸營

萬 十三年崞縣大饑

十八年崞縣大饑

二十九年山西諸衛旱七月隕霜殺禾靜樂神池皆
大饑詔免秋稅

三十五年大修盤道梁

四十六年偏關神池地同日大震

二年春寧武營兵趙虎喇等與河曲土寇及三
關大盜王剛潛相通將爲亂官捕虎喇誅之然其
黨在兵籍者甚衆五年七月有吏祿者首以索餉
爲名激衆使變大譟於南關且肆殺掠兵徒多從
之列隊教場揚言赴代州起事而陰令黨輩四出
糾賊勢洶洶幾不測副總兵郤勲與兵備道合謀
擒祿斬之於轅門其徒置法者數人事乃定先是
虎喇方欲亂時城北關壯繆廟刀忽鳴至祿之變
刀又有聲人以爲神兆

崇禎十四年大饑斗米銀八錢死者山積人相食偏
關民王元士施地理殍掘坎深廣三丈數日而滿
十七年二月李自成攻寧武總兵周遇吉死之城中
爲賊所戕殺者數千人

國朝順治六年寧武兵間大同總兵姜瓖反羣起從
賊時文武官吏死者副總兵李吉兵道金元祥總
判張國賢把總丘登於是寧武兵圍營攻磚縣大
陽堡殺生員張琳李含玉及其父貢生李且時大
恣焚劫明年大軍討平之時偏關人亦應賊副使

徐淳叅將張國纓等皆死於兵及亂定淳等各贈
官

八年大饑偏關民婦范氏誘殺人而食之

康熙三年六月偏關河水暴溢壞民舍多溺死者城
內水深丈餘

十九年偏關大饑民掘白泥而咽之

二十九年寧武大饑人多餓死

雍正元年六月偏關大水西城門內水深二丈斗米
三百錢

三年置府縣改設文武員

乾隆十二年正月一日五色雲見於寧武

寧武府志卷十一

餘錄

十六國春秋劉曜初隱管涔山閒居夜有二童子入
跪曰管涔王使小臣奉謁趙皇帝獻劍一置前再拜
而去以燭視之劍長三尺光澤非常赤玉爲室背上
有銘曰神劍御除衆毒曜遂服之劍隨四時而變爲
五色

大業拾遺記二年七月勅於汾陽西北四十里臨汾
水起汾陽宮卽管涔山河源所出之處也當盛暑月

臨河盥漱卽涼風凜然如八九月十年四月幸汾陽
宮避暑宮城迫隘百官士卒布散山谷上有名山管
涔高可千仞上平青霄造亭子十二所其最上名翠
微亭次閔風彩霞臨月飛芳積翠合璧含輝凝碧紫
巖澄景最下名尚陽亭亭內皆縱廣二丈四邊安鐫
欄笏亭繡方尺榻子一合上下皆有臨汾殿敕從官
縱觀史稱四年起汾陽宮拾遺以爲二年史稱十一
年避暑拾遺以爲十年唐書高祖武德元年七月康

申廢隋離宮

唐劉武周瀛州景城人父匡武周馬邑武周驍悍善騎射募征遼有功還馬邑爲鷹揚府校尉太守王仁恭愛之置麾下見天下已亂陰有異計與其黨張萬歲等斬仁恭開倉賑窮乏得兵萬餘自稱太守附突厥雁門丞陳孝意虎賁郎將王智辨合兵圍其桑乾鎮突厥與武周共擊智辨破之孝意奔還雁門雁門人殺之以城歸武周武周因襲破樓煩據汾陽宮取宮人以賂突厥突厥以狼頭纛立武周爲定揚可汗

宋史張齊賢傳雍熙三年代州揚業戰沒上訪近臣

以策齊賢請行卽授給事中知代州與部都署潘美同領緣邊兵馬是時遼兵自湖谷入寇薄城下神衛都校馬正以所部列南門下衆寡不敵副部署盧漢贊畏懦保壁自固齊賢選相軍二千出正之右誓衆慷慨一以當百遼兵遂却先是約潘美以并師來會戰無何間使爲遼人所得齊賢以師期旣漏且虞美衆爲遼所乘旣而美使至云師出并州至北井得密詔東師敗績于君子館并之全軍不許出戰已還州矣於時遼兵塞川齊賢曰賊知美之來而不知其退

乃閉其使密塞中夜發兵二百人搏一幟負一束
距州城西南三十里列幟然芻遼兵遠見火光中有
幟幟意謂并師至矣駭而北走齊賢先伏步兵二千
於土墜砦掩擊大敗之擒其北大王之子一人帳前
舍利一人斬數百級獲馬二千器甲甚衆

張齊賢傳云自河東初下臣知忻州捕得契丹納米
典吏皆云自山後轉般以授河東以臣料契丹能自
備軍食則於太原非不盡力然終爲我有者力不足
也河東初平人心未固嵐憲忻代未有軍砦入寇則

田牧頓失擾邊則守備可虞及國家守要害增壁壘
左控右扼疆事甚嚴恩信已行民心已定乃於雁門
陽武峪來爭小利此其智力可料而知也雍熙三年
大舉北伐卽以齊賢知代州與部署潘美同領緣邊
兵馬

真宗景德二年河東都轉運使歐陽修言代州崑嵐
寧化火山軍被邊地幾二萬頃請募兵種充弓箭手
墾之宜撫使范仲淹以爲便遂以崑嵐軍北草城川

禁地募人距敵界十里外占耕得二千餘戶歲輸租

數萬斛自備弓馬渥手背爲弓箭手并州明鑄沮
而止

明武宗正德十三年秋八月乙酉如大同九月庚子
次偏頭關癸丑勅曰總督軍務威武大將軍朱壽親
統六師肅清邊境特加封鎮國公歲支祿米五千石
吏部如勅奉行冬十月戊辰渡河己卯次榆林

紀事本末云十三年九月幸大同時乘一馬侍從鹵
簿皆不及由郡境歷老營堡至偏頭關輕騎戎衣顧
關而笑曰此是偏頭關耶是月二十四日爲帝萬歲

節從臣皆賀明日雨雪駐驛十月初四日幸樓子營
已漏下二刻旌旂夾道燈火燭空山川震動明晨從
娘娘灘太子灘抵灰溝營始進午膳因幸唐家會祭
河神詔善沒者觀之民李應祥應詔連浮二次上喜
賜酒遂登舟擊楫中流抵西岸幸榆林以西北風驟
回駕時秦晉兩藩咸集車騎雲屯聲震山谷

明穆宗隆慶四年總督尚書王崇古始上疏請予僉
答封貢條八事以請疏下廷議帝終從崇古言五年

春三月己丑詔封俺答爲順義王賜紅蟒衣一襲

都力哈黃台吉等以下各受都督指揮千百戶等官
有差遂詔山西開馬市於水泉營紅門口邊外秋市
成凡得馬五百餘匹賜俺答等綵幣有差俺答老倭
佛常遠處青山二子曰賓兔居松山直蘭州之北曰
丙兔居西海直河州之西益求互市多桀驚俺答論
之亦漸馴自是約束諸部無入犯歲來貢市西塞以
寧

水泉營市場岢嵐道所隸有宴敵所互市於此設宴
邊外有關三日中左右馬從三關入市場臨邊有關

一曰內關馬從此登數入境紅門有臺周長一十三丈臺上有納款廳敵來于此撫賞節年議准以客兵貯積銀一萬兩爲宴饋之費銀恐不足補給馬價銀一萬兩撫賞窮夷馬每年以六千爲率價每匹以十二兩爲率互市之日尙嵐道提調歷門寧武兩道協理之總兵副將統兵彈壓其境西路叅將聽理市事分正兵營軍馬二千一駐老管一駐八柳樹馬站遊兵營軍移駐滑石澗小營兒獅子坪叅將軍移駐馬站堡以備各路要衝乃行各城鎮古泉方嶺自兼統

征調互市畢軍門會題給賞有差

羅點聞見錄汾陽有天池在燕京山上周迴八里後
魏孝文帝以金珠穿魚七頭於池放之後於乾源
得七魚猶爲不信又以金縷拖羊箭射着此六魚久
之又於桑乾河得所射箭山在嵐州靜樂縣東北百
四十里俗名天池曰祁連池土人名天池躍鱗池西
有老馬溝隋開皇間建祠池上祈禱多應

齊顯祖文皇帝高洋天保六年六月如晉陽親討茹
茹甲戌諸軍大會於祁連池乙亥出塞七月壬午及

於懷朔鎮大破之九年六月乙丑自晉陽北巡己巳
至祁連池戊寅還晉陽後主高緯武平七年七月丁
丑幸晉陽十月丙辰大狩於祁連池天保末顏之推
從至天池以爲中書舍人令中書郎陸孝信將敕書
出示之之推方於營外飲酒孝信還以狀言顯祖乃
曰且停由是遂寢

唐置天池監楊光遠在代北嘗以紙錢祭天池投之
輒沒

朱慶歷中遠求天池朔地河東帥龐籍不能決以委

汝州都監郭達達訪得太平興國中故牘證爲王
檄報之遼人愧服

兩鎮三關志陳家谷狼牙村俱在今朔州南托羅臺
在寧武關東橐蓮臺亦作托蓮臺今陽方口河西高
山謂之橐蓮臺朔州志稱爲王侁望楊業軍處呼縣
志但志臺名不言王侁望軍事宋史楊業傳爲代州
刺史會契丹入雁門業領兵自西壁出由小徑至雁
門北口南向背擊之契丹大敗雍熙三年楊業副潘
美連拔雲應寰朔四州會曹彬等不利詔諸路班師

美等歸代州未幾詔遷四州之民內地令美等部兵
護之時契丹衆十餘萬復陷寰州業謂潘美等曰
朝廷止令取四州之民但令兵出大石路先遣告雲
州守將俟軍離代州日令雲州之衆先出我師次
應州契丹必來拒卽令朔州民出城直入碣石谷
遣兵警千人列於谷口以騎士援於中路則三州
之衆保萬全矣王旣不可令但趨雁門北川口鼓
行而往業不得已將行因指陳家谷口曰諸君於
此張步兵強弩

為左右翼以援俟業轉戰至此卽以步兵夾擊敵之

美卽與佻陣於谷口自寅至巳佻使人登托羅臺望
之不見一人以爲契丹敗走欲爭其功卽領兵離谷
口美不能制乃緣交河西南行二十里俄聞業敗卽
麾兵却走業力戰自午至暮至谷口望見無人拊膺
大痛再率麾下力戰身被數十創士卒殆盡馬重傷
不能進遂被契丹所擒不食三日死遼史業引兵南
出朔州三十里至狼牙村懸其名不進左右固請乃
行遇耶律斜軫大敗馬重傷不能進匿深林中耶律
奚低望見袍影射之墮馬被擒聖宗紀統和四年三

月辛巳順義軍節度使趙希贊以朔州叛附於宋時
上與皇太后駐兵驪羅口詔趙東征兵馬以爲應援
又稱太后與上自托羅口入南禦宋師敗之

魏志云朔州志石碣谷在朔州南五十里禪房山
禪房山今在寧武北二十五里陽方口對岸也狼
牙村陳家谷皆不知所在但朔州西南今尚有狼
兒村未知是否楊業前勝契丹出西陁蓋卽後言
欲避敵鋒之大石路代州志勾注山一名西陁上

爲太和嶺後爲白草坪卽廣武驛站通秦中

武二十里但王侁激楊業出雁門北川業指陳
谷口欲其接應必在雁門北川附近去禪房山尚
遠恐非今陽方口外之橐蓮臺可望陽方口東北

去朔州將六十里遼史稱業兵南出朔州三十里
意楊業兵從代往朔非出雁門亦出白草坪或出
小蓮花神樹梁最西亦必出盤道梁而後直達大
川自在朔州正南必不至陽方口之西南也王侁
登橐蓮臺望以爲契丹敗走欲爭其功故緣交河
西南行二十里或卽從今朔州馬邑恢河桑乾交

會之處往赴朔州故云西南行若登陽方口之橐
蓮臺望是向東北行矣王侁旣不從楊業之計必
又不聽其舍代州紆道寧武或由盤道梁等處始
赴朔州卽業計亦不肯出此業先言出大石路次
應州者乃知契丹已破寰州反由間道東向使契
丹解寰州之兵東追此中乘机應寰朔三州之民
已入碣石谷矣業於應州嚴陳以待而雲州之兵
已到合力敵契丹之兵四州之民便已南遷勁兵
斷後又有伏兵相接計出萬全王侁等旣不從其

謀業卽毅然出師揆時度勢必無反出寧武關
之事則陽方口河西之橐蓮臺是否王侁望兵處
似應闕疑至遼主與太后駐兵馳邏口趨東征兵
處未知何在其所謂橐蓮臺者或卽托邏口上之
山未可知也

明嘉靖三十四年御史陳豪上言山西諸鎮卒皆爲
寇媒多囊錐刀賂求不殺彼此譯語互爲和同待其
深入然後舉烽發礮蓋不止一日一處爲然且觀比
來之寇類多我民亡命爲彼嚮導故連歲非時猝至

如道故途唯期於必戰盡復套地乃爲全策

總督侍郎翁萬達邊關圖說云謹按所圖形勢起宣
府東路之四海冶迤邐而西歷北中二路抵西路之
西陽河爲大同界東路之東陽河迤邐而西歷北中
二路抵西路之丫角山爲山西界山西之老營堡迤
邐而西歷水泉偏頭抵保德州爲黃河岸界而止計
一千九百二十里有奇皆通臨敵巢所謂外險也又

老營堡轉南迤邐而東歷寧武雁門抵平刑關又

邐而南而東爲保定界歷龍泉倒馬紫荆之吳王

插箭嶺浮圖峪沿河口又東北爲順天界歷高岸白羊抵居庸而止計二千五百里有奇皆峻山層崗所謂內險也兩險截然天限中外然自正統以來敵人窺兵屢恣干擾邇且結陣長驅遠薄汾沁豈其險固不足特耶潰廢大防由來者漸有險不設同於無險因地形而經紀之內倚諸關間增崇垣外築崇垣長遮絕漠比之金湯邊臣自是始可言守又外邊長圍說云謹按所圖外邊詳矣而畧於內諸關者以外邊特重又墻方肇完而諸關不與也三鎮邊墻亘連一

道內布者城堡外環者塹窖亭然者墩巍附穴通者
臺隧增舊爲新缺一不可必如此而後可守

三關中路圖說云明自失東勝漸與敵隣正統己巳
以後時被侵掠因置官設戍犁然具備嘉靖二十一
年設總兵三十九年設兵備道同駐劄於此所屬守
備五州縣三所三本路與雁門岢嵐鼎峙爲三道悉
年議守者莫不謂岢嵐僅隔敵一墻一河當急此中
有大同爲外蔽似稍緩不知全晉以大同爲籓籬以

三關爲門戶而寧武爲中路尤三關之砥柱也晉籬

不固則堂與不安祇柱失守則門戶不固故嘉靖中大同失守敵知寧武兵單由此入犯太原忻代等處無寧歲當事因議增大同兵馬每歲防秋時巡撫駐寧武後復置大將屯重兵居中策應誠善守大同者守三晉守寧武者守三關也險隘如盤道之雕窩梁燕兒水臥羊坡寧武之陽方朔寧王好梁神池之北堞礮石板溝靳家窠利民之得勝口牛肋之灣勒馬溝八角之長林乾柴野猪溝等處極稱要害而陽方直通朔州大川尤爲喫緊故都御史陳講疏云東有

雁門勾注之險西有老營偏頭之塞阨崕山谷限隔
黃河敵人不便大舉獨寧武之陽方口東西長百八
十里平衍夷漫卽擁十萬衆可成列以進此口實敵
人必爭之地三關首犯之衝不止一隅已也敵由水
泉紅門入則八角急寧化靜樂等處危援兵宜伏於
八柳樹大井溝迎擊之而以老營兵襲其後馬站兵
攻其旁由長林野豬溝入則利民急神池等處危援
兵宜伏於蔣家峪勒馬溝迎擊之而以老營兵襲其

後神池兵攻其旁由校寨

武等處危標兵宜伏於圪堵礮大水口迎擊之而以
援兵襲其後正兵攻其旁由朔州川陽方口入則盤
道朔寧急忻崞等處危標兵宜伏於王野梁臥羊坡
迎擊之而以正兵襲其後援兵攻其旁仍於山巔多
張烽火旗幟以疑其心隘口設陷坑拒馬以扼其路
俾彼入於九敗九陷之地大抵敵騎利平原廣野不
利險阻山林本路重崗峻嶺所在天塹彼馬豈易馳
驅若不能出奇制勝俾彼東越盤道西過支鍋之口
則太原等處將被蹂躪矣彼大舉深入山西必由隰

方口故有警大將軍宜提正兵駐此連合援兵張兩翼以待之東護雁門西策偏老則必可破之故曰守大同者守山西也守中路者守兩關也守陽方口者守全路也

三關西路圖說云偏關故無塞也扼偏關塞自失東勝始蓋偏關去東勝三百餘里登陴眺焉則三受隆城其墟可指永樂間始棄東勝特重偏關故建大將於此其後雲中弛防朔南頻擾陽方失守太原告警於是移總兵於寧武居適中之地然偏關門戶而難

寧堂奧也堂奧有警而以門戶之守守之是自撤其
勾陳而授敵以鑰矣

兩鎮三關志云明初偏頭設鎮將寧雁不能班也及
寧鴈設關則但置所亦未與偏頭同以偏頭爲邊鎮
例之宣大以寧雁爲腹裏例之倒馬紫荆迨山西以
山西爲心而不以夷夏大防爲心於是始視三關爲
一而以寧武爲適中地矣夫寧雁之外爲大同偏關
之外爲東勝東勝不守是大同之重兵視三關爲一
也而乃以寧雁爲適中可乎卽今事併守矣合併守

以爲中亦應在了角之間而寧武則已南矣

楊博三關兵將疏山西三關先年以有東勝大同爲之屏蔽邊患絕少自己己之變東勝失守漸肆窺伺然猶恃有大同未敢深入今三關之警大異往昔正德十二年則直至陽曲灣今歲則直至交城圪塔頭若更長驅而入雖平陽潞安俱爲蹂踐之地矣今都御史陳講御史連鑑覆勘具奏臣等議得神池堡與老營堡委係必爭之地而八角堡介於其間尤爲適

中雁門守備當十八隘口之險而北樓口委爲空關

所據各官要於神池老山堡各添設兵將北樓口
置把總八角堡改置游擊畫地分守勢成鼎足據險
扼塞誠爲長便又要將神池守備改置利民堡三公
八角俱爲裁革水泉等處設置把總管領屯種要皆
劑量斟酌無不曲當但副總兵旣與巡撫都御史協
同行事威權已重欲加都督職銜似難輕議今俟命
下施行巡撫都御史每年秋近仍駐劄寧武八角以
上仍轄雁門兵備五寨以下仍轄岢嵐兵備庶聲勢
聯絡緩急有濟又照東長峪地方係大同三關兩鎮

接境之地極爲緊要其連城設兵於兩鎮旣稱有益亦當及早整理

方逢時邊關機宜疏三關俱通寇要區東路自盤道梁夾柳樹燕兒水鵬窩梁等堡進直犯代州太原等處西路自滑石澗黃龍池寺塢堡水泉營等堡進直犯鎮西興嵐等處中路陽方口王野梁失守少費迂迴可達東路矣此邊形之大較也東中二路外有馬邑朔州

經大相接零騎遠難潛入大舉或數年一至西路

長二百餘里東自水黃墩起西至了角山止一百
里尚在朔州川之內自了角山起至老牛灣止一百
餘里逼隣沙漠大舉憑陵易逞零騎出沒無常御
賀一桂移鎮之說有見於此討寧武偏關一百八十
里正兵營軍馬在三路土著有年勢難他徙其叅遊
軍馬果數足勢強大舉雖未能遏絕零騎必可拒堵
此移鎮之便也查兩營軍少一千三百三十四名馬
少三千四百四十二匹而遠移之是總兵亦叅將等
也寇豈憚一總兵官名乎况偏關抵崞縣原平驛二

百餘里東路報警策應恐難猝至此移鎮之未便也
先年俺答乘虛謀陷老營總兵郭琥早得其情由寧
武日暮提兵四鼓卽抵其地而堡賴以全是不移與
移鎮同也今該鎮旣稱軍馬寡弱東路寫遠合無依
其仍駐寧武遇三路但有聲息星馳調度隨賊堵截
明時三關審塹之制多設于近垣以備侵軼穿地橫
垣曰塹間穿間否形如品字曰審蓋城堡所以能禦
患者以有審塹爲恃也然論者謂中國設險有三垣

重審垣最利特審次之重又次之垣因高遠排敵無

所逃乘險下拒已易爲力掣則沿守者無所依
望者不獲遠施計一虜挾一束芻蕘虜頃刻之際可
平數丈也若嘗有隆伏平之反難

陽武峪在寧武東南八十里屬崞
秦太子扶蘇常軍於此故有太子岩宋太宗時都巡
檢使楊延昭驍勇善戰守陽武峪契丹畏之不敢犯
延昭楊業之子也延昭有部將孟良焦贊同守今元
崗口有孟良城遺趾尚存其南
里有焦贊寨
明
時寧武所本屬崞縣故陽武峪
戍卒亦統於寧武

守備今峪口數里地名上陽武勢尤險阨

寧武被圍時總兵周遇吉遣其侄某請陽和吳軍門
求救未至而城陷吳入國朝仍爲總制有旨問
及遇吉之後吳具以其侄對以補神池守備令就近
守其墳墓春秋每祭必來陪祀常以順治初守備舊
劄示知府魏公爲言其故如此

寧武令施作楫云周公殉節日期即瀚所作事寔稱
係崇禎十六年二月辛巳老明紀類編十七年李白
成破寧武關由大同入京無借號不兩月敗走其年

歲次甲申卽國朝順治九年別所開年分錯誤者
周公墓表大書係崇禎十七年二月辛巳查萬年曆
乃二月二十二日也卽殞葬日月亦甚分明足以徵
信且訪之遺老數十年前每二月二十二日士民在
祠內致祭後改于九月者因云與劉夫人誕辰在九
月二十日及二十二日也

太原府志載二月十五日賊發太原數日抵寧武
則施作楫二十二日之言不謬矣計其時遇吉守
寧武至城破僅四日耳

王允懋者霸州人以進士仕明爲寧武道當賊將至周總兵欲出戰允懋不從使同知吳某以土實城門比賊破城王亦自殺其妻楊亦投井死而吳亦見殺於賊太原續志以允懋列於節義或過其實然或以允懋欲貳于賊而不與周總兵同心戰守致於城破則又加誣恐允懋不能服也

賊初破寧武亦不甚殺戮旋引兵而東明日賊別部在城中者忽樹藍旗遂肆戕虐被禍者數千人其爲

總兵尤世祿所爲也王晦作節錄補謂賊恨其

不下屠殺一豔血流成波亦失其實豔但得諸傳聞耳

五寨縣有東西紫寨村稱紫寨長城山上有築鑿處人莫知其自岢嵐州志云州北一里許俗呼其地爲長城梁傳是秦蒙恬築一云趙武靈王築明嘉靖間有村名中圈窠者與長城梁近掘地得石刻其文曰隋開皇元年贊皇縣丁夫築以此按之則五寨長城舊趾當亦隋時所築也

寧武之寧化有臺駘墓有蒯通墓五寨有開平王常

遇春墓蓋並古墓之失其人不知爲誰氏而里俗因
謬相指目者大臺駘宣汾洮初不在此卽臺駘塚廟
見于太原西河亦不一矣若常開平北征還卒于柳
河川乃屬此地乎至蒯通已不足信而太原府志亦
載之且爲更名曰蒯文通是尤可笑耳意所謂蒯通
常遇春者大抵唐末及五代金元時人所葬然皆無
可考今蒯墓石羊虎猶存

明萬曆中 中都御史呂坤請令沿邊諸山谷並栽植樹
木仍禁斬伐以禦敵騎之入今郡人尚有稱山中宮

樹者黃花嶺亦有數十株意其昔時所遺也

明時土堡之制相度地宜依山據險而爲之堡中各積器械矢石官有廨宇士有營舍倉廩草場咸備然邊方鄉落民堡尤多每虜入守空陴坐視恒遭殺戮萬一中總督翁萬達令廢民堡之孤懸寡弱者而編其人于附近大堡每堡擇有才力者爲之長每五十一名爲一隊每隊奇正各半隊長二人一統其正一統其奇居常則人守一陴奇正相間一方有急則三方應援奇者赴之正者攝守又多造火器分給各堡

初虞之攻堡也聲喝諸處而擁其二隅誘之策應而乘其不備鄉民往往擾亂以墮其計至是奇正相參一調一守規畫始密矣

偏關西北二十里山畔有巨石上留足跡一世傳昭君常經此足跡其所履處也遂名其地爲昭君塢神池有姜女石在縣西三里海子梁方石一片大可盈畝中有石窟傍有女子足痕相傳秦時孟姜女尋夫至此夏日坐哭其上窟中出泉名姜女井

今山海關有姜女祠此復有足跡大抵皆齊東野

語耳彼亦未知所謂姜女者之果有是人否也
五寨西北四十里有遮魯城趾一名武王城或云唐
末李克川兵駐此扼李鈞矣

祁連池昔稱有靈異北魏時秀容第一領人會長爾
朱新興常與其子爾朱榮游於池上忽聞簫鼓之音
新興語榮曰古老相傳聞此聲者皆至公輔吾今已
衰晚當爲汝耳汝其勉之

黃河唐家會渡在偏關西南九十里明正德十年武
宗幸榆林由此渡河明時每冬必遣士卒鑿冰以防

套虜

金時有蕭融者爲武州刺史常于東靈山建立亭臺
今五寨諸山無名東靈者其亭館遺踪更杳莫問矣
寧武樓子山上爲支鍋石山山上巨石一下小石四
爲其足人來遊者以一手撼之則巨石輒動試以數
十人搖之轉不可動父老傳言是臺駘宣汾洮之遺
跡也

偏關城東九龍峯之南一峯別起形象指爲文筆

天啓間兵使者耿好仁建塔以增其概高十二級

鐘之聲聞數十里石額題文鐘凌霜四十年人前
登科者相率效唐慈恩故事題名於上

神池西北四十里山間有洞勢若天啓戶闢山腰莫
能攀躋洞口懸轆轤一可挽以登不知何時所製入
洞中平坦深廣可坐萬人牀几杯窻宛然具在

五寨東南山行數里入空谷中杏花萬樹瀾漫橫斜
隨山形地勢照耀蒸發殊爲異觀

世傳蘆芽山爲毘盧佛道場清澗水出山下水側有
佛足跡肉紋宛具云昔佛往世時曾浴此水矣

鐵馳塢偏關地也塢中藏鐵形如臥虎或刻誌其傍
禁人妄掘里俗相傳鐵馳頭出并州太原府鎮鐵樓
下其尾在此而偏關南寺街民家屋內有鐵尖出地
上如尾然雖覆土數尺終莫能掩竟不知其所以然
魏志云山西通志稱隋汾陽宮城六里四十一步寧
化志稱舊城六里二百九十七步煬帝侈靡無度好
大喜夸因起宮而設郡郡兼三縣之地宮名汾陽宮
在靜樂界內故隋唐地志靜樂下有汾陽宮有關官
有管涔山天池汾水疑今郡城以南靜樂地不且

寧化也但寧化之地逼隘阻深似來可起離宮而
業拾遺記勅于汾陽北四十里臨汾水起宮似在今
寧化以南寧化南至橫水鎮四十里汾水至此始大
而地勢亦稍寬濶安知煬帝建宮不卽此地乎

又云按寧化舊城七里必宋時之重鎮設官屯軍爲
多明時無用故唐勝宗裁其三分之一別築新城也
又云寧化自北魏周隋皆爲重地至宋與遼界金元
迨明漸以無事然皆南屬靜樂自明嘉靖十九年始
屬寧武舉古時之嵐谷天地元池各縣地及蘆芽管

淳林溪汾水諸勝皆歸寧武矣

五寨人張自成其父訓爲賈入蜀會吳三桂反訓不
得歸竟客死焉後數年三桂平自成尚未知父死往
尋之至寧羌州始聞已卒然不能持喪歸遂葬其地
地名經畧壩蓋山谷中也一夕石穴忽自合若鬼物
助成之者自成衣資爲亂兵所掠留落孑然不得已
竄身軍伍中然少有勇力敢戰聞後起行陣間累功
授官至重慶總兵

陽中並以守備得驍衣弓箭之賜尤爲異數

劉詔者偏關老營人遠祖在明初官昭武將軍世襲指揮使父光裕當明末失職詔方幼卽教以騎射不令讀書詔年二十有相工謂曰子狀貌不凡當爲將帥雖功名晚就而利在南方詔乃辭其父母去遊江淮間會康熙初征閩詔遂從軍積功擢至左都督廣東總兵官相者之吉驗矣詔以功准四世襲應雲騎尉

樊永底偏關人康熙中爲廣東澄海令以道遠家人

不能俱行久之永底方買妾妾至見其容止有異因
問所由來妾初不言已而涕泣且告以父官副總兵
被劾在繫而逋軍儲無償遂賣已也永底聞之驚倒
卽日送妾還其家且不責其價人皆傳稱之

偏關西六十里黃河中有石島高十丈餘其上土田
五頃可耕有娘娘廟遺址土人相傳云昔漢高祖嘗
惡薄姬而貶焉使潛居于此今呼其處爲娘娘灘昔
河東西津渡口也

娘娘灘東二里許爲太子灘渡太子者俗謂漢文帝

爲太子時常居此洲時往朝薄后今洲中有花紋水
一道而其灘淺可徒涉

水經注天池方里餘池中常無斥草及其風澤有淪
輒有翠色小鳥投淵嚙出魏志引新訂水經常無斥
草作片草風澤有淪作風籜籜字於義爲長若片草
則當以斥草爲善蓋池本龍湫有神居之不受物穢
故風籜飄淪池上卽有小鳥爲之嚙出而人知池之
神靈亦不敢以草木投棄其中故曰常無斥草矣道
元可爲工于下語者韓吏部南山詩林柯有脫葉欲

墮鳥驚救正用其意若作片草便索然少味耳

山西西路管糧太原府同知張爲公舉義士以備表揚事蒙提學道孫批據前任吳同知呈蒙本道批據偏關所闈學生員賀萬壽等呈稱有本所故明廩生賈三光金玉爲質松栢其操遇事敢言皆地方利害之大逢險不避有豪俠慷慨之名因而遭讒幾於不免青雲路絕雖失望於九霄白雪才高尚馳聲於四國山人自樂到處爲家方闖賊攻我寧關適周鎮迎

爲山客該鎮亦諒其有未盡及獲送附金備物之

多本生引爲王臣，卻金不納，誓九死不移之志。及其
勢蹙，愈見情真。周鎮托以後事，使賊無汙其家，故得
一心血戰而死。本生能終其前言，用火盡焚其室，亦
赴烈焰，骨燼而亡。一則有古將斷脰之風，可以死而
死。一則有聖門結纓之志，可無死而亦死。又有中營
游擊王前士，生懷忠靈，遵義訓於家庭，死効堅貞，拯
壯烈於國士。旣隨周鎮而赴難，敢分武弁而不揚。經
該學掌印訓導張五典覆查，賈三光素行耿烈，蓋世
奇行。周總鎮聞賊入境，差官敦請保其家屬百十餘。

口不受賊辱身同赴焰游擊王前士挺身抗賊至死
罵不絕口此二人者一爲義士一爲忠臣不讓古人
均應表揚以勵風教

五色石斑斕可玩出蘆芽山魏時亮節財疏時有言
山西出五色石者明成祖曰兵革災荒小民困苦今
何可更以此困苦之官府求一物卽百姓受一害矣
正月元旦迎春之禮爛清靜存乎長官之好尚而
土俗相沿皆云此禮熱則年穀順成往往試之而
有驗禮從其俗可也

初五日民間童女剪紙爲婦人高五六寸許飾以彩色清辰掃穢土於箕置紙婦其上棄之門外通衢名曰送窮行路者拾歸置牛牢馬廐間供奉曰送窮媳婦去取富媳婦歸

二十日名小填倉二十五日名大填倉是日煮窩煎餅點燈於倉廩名爲填倉用炭灰布地作大圈名爲挖窖於二十五日祀龍神謂爲龍誕日

二月二日相傳龍擡頭日童稚剃髮清辰自外汲水由大門引灑而進以餘水假甕內名引龍

偏關六月六日祀崔府君一時男婦羣遊白龍洞名
爲踏青

七月十五日爲中元節拜掃祖塋如清明而加盛闔
家鍵戶而出者強半婦女往往靚妝豔飾祭畢各擇
山巔水湄綠陰芳逕男女序坐歡讌相望日入而歸
行歌互答貧而無力及墓遠而不能至者或焚楮門
外及大路之傍是日也戚里競作麵蒸美人以爲兒
童之翫間以柑餉名暮和樂

十月一日民間呼爲歲臘又號鬼節剪紙爲衣同緒

錢焚墓上天氣已寒惟男子往而婦女不出矣

十二月初八日合雜米豆爲粥間和棗栗諸果寧郡無異俗也家家鑿冰柱當門而立曰門冰衙外自有供之者

寧武之俗無論男婦於交運之日竟日閉戶不出禁止往來卽雞豕猫犬亦皆驅逐不令入戶云是日忌行冲求吉利

郡中多羊甲于他處居民無分貧富皆衣裘而最貧者雖暑月亦著之幾如蒙古之俗矣或取其毛製爲

袋囊以運米粟久而難敝

土鼠生地穴中清明前穿地食草根人掘土獲之肉頗肥美俗名之爲瞎老或持以餽人

郡中亦有牡丹然皆單瓣唯紅色一種其芍藥則豐艷碩麗不減京師至五月乃放

或言金蓮花產五臺此地亦有之然非佳卉初不足觀也

筆頭菜生山谷間苗可食味苦性涼煮之爲茹形似

筆頭故俗以爲名

油瓶瓶者四五另作花如玫瑰色
香秋時結細子殷紅珠纍土人云採之
食又育名瑤佳佳者八九月吐英如小雀然
和麥爲餅可

郡西山多杆樹秋時青紅可愛人取其材頗堅中器
用字書云杆同櫪卽君櫪樹也古賦君遷子本果實
可食今杆樹無子且狀亦微異恐字書之言非也

郡中用錢者每陌輒參以古錢三五多唐至元時者
而開元乾元明道熙寧崇寧宣和至正爲尤衆蓋錢
文旣貴外來者絕少不得不雜而用之間其俗云行

之已甚久市易租稅咸若是畧勿爲怪或言邊地乏錢固然要亦其民猶近質耳

郡地至寒而神池之利民尤甚偏關雖突出絕塞然較利民尚稍和蓋土壤相接而氣候特殊有不可解者土人云神池每多怪風冬月彌厲故獨冷於他處風方作時能橫吹牛馬使倒行者感掣之高二三丈而墮當夏月時見雲氣忽起卽爲風信不瞬息已至秋冬間則飄颻無定或十日夜未少休矣

潯當五六月陰晴朝暮往往如江南梅雨時雖地處

北邊而轉多蒸濕或云唯城郭爲然鄉落則否以郡城環山而地逼故也